



Broj: 03/1-50-14-7-15/25

Sarajevo, 14. 4. 2025.

**ČLANOVIMA ZAJEDNIČKE KOMISIJE ZA ODBRANU I SIGURNOST BiH:**

**JASMINU IMAMOVIĆU, MARINI PENDEŠ, DARKU BABALJU, MILANU DUNOVIĆU, SLAVKU MATIĆU, ŽELIMIRU NEŠKOVIĆU, SANJI VULIĆ, ŠERIFU ŠPAGI, KEMALU ADEMOVIĆU, SREDOJU NOVIĆU, ZDENKU ĆOSIĆU, SAFETU SOFTIĆU**

**PREDMET:** Informacija o učešću u radu 18. konferencije Generalnog inspektorata  
Ministarstva odbrane BiH i inspektora Oružanih snaga BiH

Predsjedavajući Zajedničke komisije za odbranu i sigurnost BiH Jasmin Imamović i zamjenica predsjedavajućeg Zajedničke komisije Marina Pendeš učestvovali su u radu 18. Godišnje konferencije inspektora Generalnog inspektorata Ministarstva odbrane BiH i inspektora Oružanih snaga BiH, koja je održana 10. 4. 2025., u Domu Oružanih snaga BiH u Sarajevu.

Učesnici su razgovarali o značaju Generalnog inspektorata Ministarstva odbrane BiH, kao i o težišnim aktivnostima i provođenju osnovnih funkcija Generalnog inspektorata Ministarstva odbrane BiH za period 2023/2024. godina.

Na skupu je bilo riječi i o izgradnji integriteta i borbi protiv korupcije, saradnji Generalnog inspektorata s organizacijama i institucijama izvan Ministarstva odbrane BiH, kao i o planiranim aktivnostima Generalnog inspektorata za naredni period.

Izvještaj o radu Generalnog inspektorata za period 2023/24. godina učesnicima Godišnje konferencije podnio je generalni inspektor u Generalnom inspektoratu Ministarstva odbrane BiH brigadni general Edin Fako, a prisutnima se obratio i načelnik Zajedničkog štaba Oružanih snaga BiH general-pukovnik Gojko Knežević.

Jasmin Imamović, predsjedavajući Zajedničke komisije, u ime Zajedničke komisije, pozdravio je učesnike 18. konferencije. U svom izlaganju je naglasio da članovi Zajedničke komisije prate rad Generalnog inspektorata jer je to značajan model internog nadzora nad aktivnostima MOBiH i OSBiH koje podrazumijevaju poštivanje zakona i etičkih vrijednosti. Pozvao je nadležne u okviru sistema odbrane da se transparentno razgovara o stanju ljudskih prava u Oružanim snagama BiH. Naglasio je da zaštita ljudskih prava u Oružanim snagama BiH prepostavlja efikasno i brzo djelovanje i rješavanje problema. U svom izlaganju predsjedavajući Zajedničke komisije za odbranu i sigurnost BiH ukazao je da je radne posjete članova Zajedničke komisije jedinicama i komandama Oružanih snaga BiH obilježila

spremnost vojnika, podoficira, oficira i generala za otvoren razgovor o stvarnim problemima, kao i spremnost da se problemi rješavaju. Najavio je da će Zajednička komisija i u ovoj godini, zajedno s parlamentarnim vojnim povjerenikom BiH, nastojati obaviti više posjeta jedinicama Oružanih snaga BiH.

Učesnicima Konferencije obratila se i zamjenica predsjedavajućeg Zajedničke komisije za odbranu i sigurnost BiH Marina Pendeš, koja je ocijenila da su Oružane snage BiH i dalje najbolji dio društva i sistema odbrane. Čestitala je na radu i rezultatima pripadnicima Generalnog inspektorata Ministarstva odbrane BiH i inspektorima u Oružanim snagama BiH, te ih pozvala da nastave raditi profesionalno i nepristrasno. Također je izrazila zadovoljstvo zbog smanjenog broja pritužbi pripadnica Oružanih snaga BiH, ocijenivši da je to rezultat većeg povjerenja u sistem i potvrda da nadležni rade na popravljanju uslova na lokacijama Oružanih snaga BiH u odnosu na potrebe i probleme s kojim se susreću pripadnice Oružanih snaga BiH.

Učesnike konferencije pozdravio je i parlamentarni vojni povjerenik Boško Šiljegović. U radu 18. konferencije učestvovali su: predstavnici Oružanih snaga BiH, predvođeni general-pukovnikom Gojkom Kneževićem, načelnikom Zajedničkog štaba, predstavnici Komande EUFOR-a u BiH, Štaba NATO-a u BiH i Misije OSCE-a u BiH kao i predstavnici agencija i institucija koje se bave pitanjima zaštite ljudskih prava, borbe protiv korupcije te jačanja prava i zakonitosti u radu.

Predsjedavajući Zajedničke komisije

Jasmin Čimancović



Dostavljeno:

- naslovu
- a/a